

1 Tesalonaeka

Naoa itəm Pol təmaupən mäte tuwin kəm iəfak min ikin Tesalonaeka

Nəghatən əkuəkir rəha naoa u 1 Tesalonaeka

?Pah təmäte naoa u? Aposol Pol təmäte naoa u.

?Təmäte tatuwin kəm pah? Təmäte tatuwin kəm niməfak əpəh Tesalonaeka.

?Nəmegəhən tahro nulan nian təmäte? Pol təmätuoun niməfak əpəh Tesalonaeka e nup kəu o kisil əm tinuwin rəkis, kən in niməfak wi kit. Netəm rəha niməfak okotəkəike kəwiə e nəmegəhən rəhalat. Ilat neen, kəmotuwın e nian iəkis min mətə-inu kotahatətə e Kristo. Kən neen kəsotitun wirən nian itəm Iesu otitəlig-pa min lan e nətueintən. Neen nīkilat təht məmə Iesu otuwa uəhai min əm. Kən motəruru məmə netəmim kəmotimis uarisig e Iesu titəlig-pa min, okahro ilat.

?Təmäte naoa u o naka? Pol təmäte naoa u məmə otıləs-ipər nətəligən rəhalat, kən mol nahatətəən rəhalat təskasik. Kən molkeike məmə otos-ipən nəgətunən neen itəm tətuatip e nitəlig-pa minən rəha Iesu Kristo.

Pol təmən təwir kəm ilat

1 ¹Io Pol, ne Saelas,^a ne Timoti, etəhalən təwir kəm itəmat u niməfak əpəh ikin Tesalonaeka. Itəmat nəmotuwa kitiaħ o Tata Uhgın ne Iəramərə Iesu Kristo.^b

Pəs Uhgın otawte-in rəhan nəwirən ne nəməlinuən kəm itəmat.

²Nian rafin etəhalən-ipən kəm Uhgın məmə nīkitiməhal tagien otəmat, kən mətəhaləfak otəmat e nəfakən rəhatiməhal. ³Nian etəhaləfak kəm Tata Uhgın, nīkitiməhal tagien mətə-inu nian rafin nīkitiməhal tatəht nat kisil, kit u rəhatəmat wək itəm tətisi-pən e nahatətəən rəhatəmat, ne rəhatəmat wək əskasik o nasituən e netəmim itəm tətisi-pən e nolkeikeən

a 1:1 E nəghatən Kris, nərgin u Saelas in ‘Silfanus’ **b 1:1** Wək 17:1-9

rəhatəmat, ne nolən rəha nətul əskasikən rəhatəmat e nian iəkis min itəm koatuwa e rəhatəmat nəmegəhən, kən nəkotol nəhlan məto-inu nəmotələhəu-pən əskasik rəhatəmat nətəligən e İərəmərə İesu Kristo.^c

⁴Piak min ne winik min itəm Uhgın tolkeike itəmat. Nikitiməhal tagien min otəmat məto-inu ekəhalitun məmə Uhgın təmitəpun itəmat. ⁵Kən ekəhalitun nat u, məto-inu namnusən təwir itəm eməhalən kəm itəmat, sənəmə təmuwa e nəghatən əm, məto təmuwa min e nəsanənən, ne Narmin Rəha Uhgın, kən kitat kotitun wir məmə in nıpahrienən. Kən nian emotatig kitat min itəmat, nəkotitun məmə nolən rəhatimat in təwir məmə otasitu etəmat.^d ⁶Kən itəmat nəkotasgəwin itiməhal ne İərəmərə e nolən u: nəmotos pap nahməən asol, məto nəmotos nəghatən e nıkin əgien itəm Narmin Rəha Uhgın təmos-ıpinə.^e ⁷Tol nəhlan, e nolən rəhatəmat nəmotəgətun suatip wir kit kəm iəfak min əpəh Masetonia ne Akaea məmə kotasgəwin itəmat. ⁸Nəmotən-iarəp nəghatən rəha Uhgın tahmen e təwi təmasək kəto ikin min rafin, kən sənəmə əpəh Masetonia ne Akaea əm, məto netəmim ikin min rafin kotitun rəhatəmat nahatətəən. ?Kən ekəhaləkəike məhalən-iarəp namnusən rəha nahatətəən rəhatəmat, o kəp? ⁹Kəp, məto-inu ilat atip koatən-iarəp məmə nian emotuwa moatəplan itəmat, nikitəmat tagien o nətoən nəghatən rəhatiməhal. Koatən-iarəp məmə itəmat nəmotəuhlin məntaatəmat o narmi nat min, kən motuarisig-in Uhgın itəm tatəmegəh, kən in Uhgın pahrien, ¹⁰kən nakoatəsahgin Nətin u İesu, itəm təmisi-pən e nego e neai, kən Uhgın təmosmegəh in e nimisən, kən in otosmegəh kitat o nalpinən ne neməha rəha Uhgın itəm tatuwa.

Wək rəha Pol əpəh Tesalonaeka

2 ¹Piak min ne winik min. Nəkotitun məmə nian itiməhal eməhaluwa məhalehm itəmat, nuwamən rəhatiməhal, in sənəmə tol nat əpnarın əm, məto təmol noan. ²Kən itəmat nəkotitun məmə əpəh Filipae, netəmim kəmotol tərət kəm itiməhal, kən motəhai motən rat itiməhal, məto Uhgın rəhatat təmasitu etiməhal, kən itiməhal esəhaləginən nən-iarəpən rəhan namnusən təwir kəm itəmat, nat əpnarın netəmim kəmotalkut məmə okotən-ıəhau itiməhal.^f ³Tol nəhlan məto-inu rəhatiməhal nəghatən o niuwən rəhatəmat nətəligən təsietən e nətəligən rat min o nıkin itəm təsətuatipən, kən esəhlalkutən o neiuə-inən itəmat. ⁴Kəp, esəhalolən nəhlan. Məto nian etəhaləghat, ekəhalitun məmə Uhgın təmuag-pən rəkis e nikitiməhal, kən təmən məmə itiməhal etəhalahmen məmə etəhalən-iarəp namnusən təwir, kən in təmələhəu-pən e nelmitiməhal. Kən ekəsahləghatən məmə netəmim

c 1:3 1 Kor 13:13; Kol 1:4-6 d 1:5 1 Kor 2:4-5 e 1:6 Wək 17:5-9 f 2:2 Wək 16:19-24; 17:1-9

nikilat otagian otiməhal, məto etəhaləghat məmə Uhgın nikin otagian otiməhal, kən in Uhgın itəm tatuag-pən e nikitiməhal.^g ⁵Nəkotitun məmə itiməhal esəhaluwamən otəmat məmə ekəhaliuw nətəligən rəhatəmat e nəghatən ətehen min. Kən esəhalən-iarəpən nammusən təwir kəm itəmat məmə ekəhalos rəhatəmat məni. Kən Uhgın, in titun nikitiməhal məmə nəghatən u in nipahrienən. ⁶Itiməhal esəhaluwamən məmə itəmat kit o etəmim əpnəpən əm kit otələs-ipər itiməhal.

⁷Kən nat kit min, məto-inu itiməhal aposol min rəha Kristo, ekəhalitun nənən məmə nəkotəkəike motisiai-in itiməhal tahmen e etəm-iasol miləhal, məto eməsəhalolən. Nian etəhlatig kitat min itəmat, nolən rəhatiməhal timətig tahmen e mama kit itəm tatehm wir nətın min.

⁸Nikitiməhal tagien məmə ekəhalən-iarəp nammusən təwir, məto sənəm məmə ekəhalən-iarəp əm, məto eməhalol natimnat rafin itəm ekəhalitun nolən məmə otasitu etəmat. In tahmen məmə eməhalos-ipinə nəmegəhən rəhatiməhal, məto-inu itiməhal eməhalolkeike itəmat, kən nəmotuwa rəhatiməhal netəmim. ⁹Piak min ne winik min. ?Nikitəmat tatəht, o kəp, wək əskasik itəm eməhalol? Nian itiməhal emətəhlamnus-iarəp nammusən təwir rəha Uhgın kəm itəmat, itiməhal eməhalol wək e nelmitiməhal laulaugin mətoarus-pən lapin məmə esəhalətapəh-inən nat kit otəmat.^h

¹⁰Itəmat ne Uhgın, nəmotəplan kən motitun nən-iarəpən məmə nian emətəhlatig kitat min itəmat iəfak min, nolən rəhatiməhal in tətuatip, kən Uhgın tətagien lan, kən etəmim kit təsosən nipəgnəmtin kit itəm tərət otiməhal. ¹¹Itəmat nəkotitun məmə itiməhal eməhalol təwir kəm itəmat rafin tahmen e tata kit tatehm wir nenətın min. ¹²Kən e nolən kitih əm, etəhalem əskasik itəmat, kən mətəhaliləs-ipər rəhatəmat nətəligən, mətəhalətapəh əskasik məmə nəmegəhən rəhatəmat otətuatip e niganəmti Uhgın, kən nikin tagien lan. Uhgın u, tətəun-in itəmat məmə nakotuwa e nərəməgəhən ne nəwirən rəhan.ⁱ

¹³Kən nian rafin, itiməhal ekəhalən tagkiu kəm Uhgın məto-inu nian nəmotos nəghatən rəha Uhgın itəm nəmotəto otiməhal, kən motos tatig e nikitəmat, kən nikitəmat təsəhtən məmə in nəghatən rəha netəmim əm, məto nikitəmat təht məmə in nəghatən rəha Uhgın, kən pahrien in nəghatən rəhan. Kən nəghatən u tatol wək e nəmegəhən rəhatəmat, netəm nakoatən nipahrienən lan.^j ¹⁴Kən piak min ne winik min, nəmotos nəratən tahmen e niməfak min rəha Uhgın e Kristo Iesu əpəh Jutia aypən. Nat əpnəpən məmə ilat netəmim imatəmat atip ikin, məto ilat kəmotol terat kəm itəmat tahmen əm e noanol min rəha Isrel kəmotol tərət kəm iəfak min əpəh Jutia.^k ¹⁵Kəmotohamnu Iərəməgə Iesu, ne ien

g 2:4 Kal 1:10 h 2:9 Wək 20:34 i 2:11-12 Wək 20:31 j 2:13 2 Tes 2:13
k 2:14 Wək 17:5

min, kən motəhg-iarəp itimat ekotiet. Nolən rəhalat tatol niki Uhgın təsagienən, kən ilat tikimir min o netəmim rafin,^l 16 məto-inu kotalkut məmə okotən-iəhau itimat o nəghatən kəm Iaihlua min məmə Uhgın otosmegəh ilat. E nolən əh, ilat koatuargətain rəhalat nolən rat mətouarus tahmen. Məto roiu əh, neməha ne nalpinən rəha Uhgın tinuwa olat.

Pol təmolkeike məmə otəplan ilat

¹⁷Piak min ne winik min. Nian eməhaluwın isəu otəmat nian noan məsin əm, məto eməhalolkeike pik məmə ekəhaləplan min itəmat. Nipahrienən, nipətitat isəu otat min, məto nətəligən rəhatat kitəh. Kən eməhlalkut pik məmə ekəhalitəlig məhaləplan itəmat, ¹⁸məto-inu eməhalolkeike məmə ekəhalimnə otəmat. Io, Pol, emalkut nian tərət, məto Setan təmahtosig-in suatip otiməhal. ¹⁹?Tahro ekəhalolkeike pik məmə ekəhaləplan min itəmat? ?Tol nəhlan məto-inu, nian İəgəməə İesu otuwa min, pah min un eməhalələhəu-pən nətəligən əskasik rəhatiməhal elat məmə ilat noa wək wir rəhatiməhal? ?Kən nikitiməhal otagien min o pah min? ?Kən pah min un in rəhatiməhal nətouən itəm nikitiməhal otagien elat? ?Itəmat, o kəp? Əwəh, itəmat u.^m ²⁰Nipahrienən, itiməhal ekəhlausit otəmat, kən nikitiməhal tagien otəmat.

3 ¹Tol nəhlan, nian nikitiməhal təmərəu kən iuəhkir nikitiməhal titəgit, məto-inu itiməhal ekəhaləruru məmə nəkotatig təwir əm o kəp, kən itiməhal eməhaləlis nəghatən məmə io ne Saelas ekətuatig Atens,ⁿ ²emuaahl-ipinə Timoti məmə in otimnə məplan itəmat. In piatat kit itəm tatol wək rəha Uhgın itiməhal min o nən-iarəpən nəghatən rəha Uhgın. In təminəh otəmat məmə otasitu etəmat mİLƏS-İPƏR rəhatəmat nətəligən, kən mol itəmat nəkoatətul əskasik e rəhatəmat nahatətəən,^o ³məmə nəratən itəm tatuwa roiu, okul təsolən nikitəmat təht pik. Nəkotitun rəkis məmə in nətəligən rəha Uhgın məmə netəmim okotol tərət etat nəhlan.^p ⁴Nipahrienən, nian emətəhlatig kitat min itəmat, eməhaləkəike mətəhalən kəm itəmat məmə okul tərət kəm kitat. Kən itəmat nəkotitun wir məmə tinuwa mol nipahrien lan tahmen əm məmə itiməhal eməhalən mihin. ⁵O nat əh, nian nikitiməhal təmərəu kən iuəhkir nikitiməhal titəgit, kən emahl-ipinə Timoti məmə otimnə məplan-tu rəhatəmat nahatətəən, məmə tatəskasik əh, o kəp. Ekətəgin məmə e suatip kit, Setan u etəmim rəha nos-İPƏN-OS-İPƏNƏN, in tos-İPƏN-OS-İPƏN kəm itəmat, kən wək rəhatiməhal in tol nat ənpapın əm.

Timoti təmən-iarəp nammusən təwir

⁶Kən roiu əh, Timoti təmitəlig-pa min otimlau, kən matos nammusən təwir e rəhatəmat nahatətəən ne nolkeikəən. Təmən-İpa kəm itimlau

1 2:15 Wək 9:23,29; 13:45,50; 14:2,5,19 m 2:19 Fil 2:15-16; 4:1; 2 Tes 1:4
n 3:1 Wək 17:15 o 3:2 Wək 16:1-3 p 3:3 2 Tim 3:12

məmә nikitəmat tatəht əh itiməhal e nāgienən, kən motolkeike məmә nəkotəplan itiməhal, tahmen əm məmә itiməhal ekəhalolkeike məmә ekəhaləplan itəmat.⁷ Tol nəhlan, piak min ne winik min, nat əpnəpin eməhlatig e nəratən, kən mətəhaləto nahməən, mətə nammusən rəha nahatətəən rəhatəmat təmiləs-ipər rəhatiməhal nətəligən otəmat.⁷

⁸Nian eməhalos nammusən məmә nəkotətətul əskasik əh o Iərəmərə, kən ekəhaləto məmә enəhalos min nəmegəhən. ⁹Nian ekəhalətul e niganəmti Uhgīn, nāgienən rəhatiməhal otəmat in iahgin, kən ekəhalən kəm Uhgīn məmә nikitiməhal tagien pik otəmat. ¹⁰E nian rafin, nərəuiəgən ne lapin, etəhaləfak əskasik məmә ekəhaləplan min itəmat, kən məhaləgətun itəmat e nat naka nəkotəruru əh məmә rəhatəmat nahatətəən otəwiə məskasik.

¹¹Kən pəs rəhatat Uhgīn atip, u Tata rəhatat, ne Iərəmərə Iesu rəhatat, kioal suatip rəhatiməhal məmә ekəhalimmə məhalehm itəmat.⁵ ¹²Pəs Iərəmərə tol nolkeikeən rəhatəmat oterət mər məriəh otəmat ne netəmim rafin, tahmen e nolkeikeən rəhatiməhal otəmat terət. ¹³Pəs in tol nikitəmat təsanən məmә, nian Iərəmərə Iesu tatuwa min ilat rəhan min netəmim, kən nakotətul e niganəmti rəhatat Uhgīn u Tata rəhatat, kən nəkotətəuatip kən nolən kit tikə məmә otiləs pikən itəmat.

Nəmegəhən rəhatəmat təkəike mol Uhgīn nikin tagien

4 ¹Piak min ne winik min, roiu ekəike məghat e natimnat min neen. Eməhaləgətun rəkis etəmat nolən naka itəm nəkotol məmә Uhgīn nikin otāgien otəmat. Kən pəhrien, nəkəotol mihin. Kən roiu etəhalətapəh otəmat kən mətəhalətapəh əskasik e Iərəmərə Iesu məmә nəkəotol əm nulan tatuwin matuwin məsin min. ²Otol nəhlan mətə-inu itəmat nəkotitun suatip itəm eməhaləgətun itəmat lan e nərəmərəən rəha Iərəmərə Iesu.

³Nətəligən rəha Uhgīn məmә in təmələhəu kalin itəmat məmә rəhan min məmә nəkəotol nat itəm tətəuatip wir: sotətəu-pənən suatip rəha nipitan ne nəman itəm koatit anion ilat min.⁴ Itəmat kitih kitih nəkotəkəike motərəmərə e nipətitəmat e nolən itəm təwir mətəuatip kən katisiai-in. ⁵Sotolən nolən rəha nətəu-pənən nətəligən əskasik o nit anionən pətan o iərman. Nolən əh rəha netəm kəsotəfakən kotəruru Uhgīn.⁶ Kən e natimnat min əh, sotolən tərət e piatəmat min o nakləh-inən pətan rəha suah pišin. Iərəmərə otol nalpinən kəm netəm min u itəm kotol nolən min itəm tol nəhlan, kən enəhalən rəkis nat u kəm itəmat o nəhgaiirən etəmat. ⁷Tol nəhlan mətə-inu Uhgīn təməsaun-inən kitat məmә okotamkimik e niganəmtin, mətə okotatig e nəmegəhən itəm

kāmōtālōhēu kalin mēmā rēhan.^v ⁸Tol nēhlan, etām tatēuhlin mēntaan e nēgētunēn əh, sənēmā tatēuhlin mēntaan kām etēmim, mēto tatēuhlin mēntaan kām Uhgīn itēm tēmos-īpa Narmin Rēhan kām itēmat.^w

⁹Nēkotitun rākis nolēn rēha nolkeikeēn itēmat iāfak min, kēn inu sənēmā nat kit itēm ekākēike mēte e naoa, mēto-inu Uhgīn tēmēgētun rākis itēmat o nolkeikeēn itēmat min.^x ¹⁰Kēn pahrien, nakotolkeike piatat min rafin ikin Masetonia. Mēto, piak min ne winik min, ekəhalətarəh əskasik mēmā nəkotol mihin tatuwin nulan mēsīn min.

¹¹Itēmat nəkotəkēike motalkut o nētēu-pənēn suatip rēha nēmēgəhēn itēm in tēməlinu, kēn motol atip rəhatəmat wək, kēn nəkotol wək e nelmitəmat tahmen əm mēmā eməhalēn mihin kām itēmat.^y ¹²Otol nēhlan mēmā rəhatəmat nēmēgəhēn otiuw-pa nisīaiēn rēha netəm ihluə min, kēn itēmat nəsotagileēn e suah kit.

Nuwamən rəha Iərəmərə

¹³Piak min ne winik min. Ekəhalolkeike mēmā itēmat nəkotəkēike motitun netəm min u itēm kāmōtīmīs. Kēn esəhalolkeikeēn mēmā itēmat nakotasək tahmen e netēmim itēm kəsotālōhēu-pənēn rəhalat nətəlīgēn e Uhgīn. ¹⁴Kitat kotahatətə mēmā Iesu tēmīmīs kēn mēmēgəh min, kēn nīkitat titun mēmā nian Iesu otuwa min, kēn Uhgīn otol mēmā, netəm min u itēm kinotahatətə rākis e Iesu nian kāmōtīmīs, okotuwa min ilat Iesu.^z ¹⁵Kēn ekəhalēn kām itēmat nəghatēn ətuatip rēha Iərəmərə mēmā, kitat u itēm koatēmēgəh əh motatig mētoarus nuwamən rəha Iərəmərə, pahrien kitat okol kəsotaupən-inēn netəm min u itēm kāmotaupən kāmōtīmīs. ¹⁶Mēto Iərəmərə ətuatip əm oteiuaiu-pa e nego e neai, kēn mən-iarəp əfəməh, kēn etəm-iasol rēha nagelo min otagət əfəməh, kēn netēmim okotətə tēwi rēha Uhgīn, kēn netəm min u itēm kinotahatətə rākis e Iesu nian kāmōtīmīs, okotēmēgəh motaupən motər.^a ¹⁷Kēn uarisig lan, kitat netəm koatēmēgəh əh motatig, okotər kitat min ilat e nimal napuə mēmā okotəplan Iərəmərə e magoagəp. Kēn tol nēhlan, okotatig kitat Iərəmərə namnun tikə. ¹⁸Tol nēhlan, otīlēs-īpər nətəlīgēn rəhatəmat min e nəghatēn min u.

5 ¹Piak min ne winik min. Təwir əm mēmā esətēn kām itēmat e nian ətuatip rēha natimnat min əh, ²mēto-inu itēmat nəkotitun rākis mēmā Nian Rəha Iərəmərə otuwa tahmen e iakləh itēm tatuwa lapin, nian netēmim kotəruru.^b ³Nian netēmim koatən mēmā, “Natimnat rafin tēməlinu, kēn nərātən tikə,” kēn nərātən otuwa olat uəhai əm, tahmen e pətan itēm mēntaan titahmə o neməkən, kēn okol netēmim kəsotagimən.^c

v 4:7 Hip 12:14 w 4:8 Luk 10:16; 2 Kor 1:22 x 4:9 Jon 13:34 y 4:11 Efes 4:28
z 4:14 Rom 14:9; 1 Kor 15:3-4,12 a 4:15-16 1 Kor 15:51-52 b 5:2 Mat 24:42-43;
2 Pita 3:10; Nol Əpən 3:3 c 5:3 Mat 24:39; Luk 21:34-35

⁴Məto piak min ne winik min, nəsoətətulən e napinəpən e natimnat min əh, kən nuwamən rəha nian əh otəsolən itəmat nəkotaut tahmen e nuwamən rəha iakläh kit. ⁵Itəmat rafin nenəti nəhag-əhagən ne nenəti nianən. Kitat sənəmə netəmim rəha lapin ne napinəpən.^d ⁶Kən tol nəhlan, pəs kəsotolən tahmen e netəm min u kotapil, məto pəs kotaiir kən moatehm wir rəhatat nətəligən ne rəhatat nolən min, ⁷məto-inu netəm min u koatapil, ilat koatapil lapin, kən netəm min u itəm koatapis, ilat koatapis lapin. ⁸Məto pəs kitat kotərəməərə e rəhatat nolən min, məto-inu kitat netəm rəha nianən. Pəs kotaskəlim nolən rəha nahatətəən ne nolkeikəən, inu tahmen e mopael kit itəm tatuwin-in iaen kit itəm tatətlosig-in manikiləhatəm, kən pəs kotələhəu-pən əskasik rəhatat nətəligən e Uhgın, inu tahmen e mopael kit itəm tatuwin-in hat əskasik kəmol e iaen itəm tatəfətəin rəhn-kapətəm.^e

⁹Pəs kotol nəhlan məto-inu Uhgın təsitəpənən kitat məmə neməha ne nalpinən rəhan otuwa otat, məto təmitəpun kitat məmə in otosmegəh kitat e rəhatat İərəməərə İesu Kristo. ¹⁰Təmimis otat məmə kitat kotitun natigən kitiah kitat min okəmə koatəmegəh o kəmotimis.^f ¹¹Tol nəhlan, otıləs-ipər rəhatəmat min nətəligən, kən otasitu etəmat min məmə natol nahatətəən rəhatəmat təskasik. Pahrien, inu nolən itəmat nəkotol u-roiu.

Namnun nəghatən rəha Pol

¹²Piak min ne winik min. Roiu ekəhalətapəh otəmat məmə nakotisiai-in netəm min u koatol wək əskasik itəmat min ilat, moatərəməərə etəmat e İərəməərə, kən moatən kəm itəmat nian nəkoatol tərat. ¹³Otisiai-in wir ilat motolkeike ilat o wək itəm koatol, kən motatig e nəməlinuən itəmat min itəmat min. ¹⁴Kən piak min ne winik min, etəhalətapəh əskasik məmə nakotəghat əskasik kəm netəm min u kəsotolən nat kit. Otıləs-ipər nətəligən rəha netəm nikilat təpou. Otasitu e netəm itəm rəhalat nəsanənən tikə. Otol rəhatəmat nətəligən təfəməh kəm netəmim rafin.^g ¹⁵Okəmə suah kit otol nat kit təsahmenən etəmat, kən itəmat nəsotalpinən nitai nəratən, məto nian rafin, itəmat nəkotəkəike motalkut məmə nəkoatol təwir kəm itəmat min ne netəmim pisin min.^h

¹⁶Nikitəmat otəkəike mətagien nian rafin;ⁱ ¹⁷kən moatəghat kəm Uhgın e nəfakən nian rafin; ¹⁸kən nian rafin otən kəm Uhgın məmə nikitəmat tagien, nat ənpapin nəkotatig e nəwirən, o nəratən. Otol nat miləhal əh məto-inu iləhal nəwia Uhgın otəmat e Kristo İesu.^j

¹⁹Sotahləmisən nigəm rəha Narmin Rəha Uhgın;^k ²⁰əsoətənən məmə nəghatən itəm Uhgın təmos-ipinə kəm suah kit, in tol nat ənpapin əm

d 5:5 Rom 13:12 **e 5:8** Aes 59:17; Efes 6:14,17 **f 5:10** Rom 14:8-9; 1 Tes 4:14
g 5:14 2 Tes 3:6,11 **h 5:15** Rom 12:17; 1 Pita 3:9 **i 5:16** Fil 4:4 **j 5:18** Efes 5:20
k 5:19 Efes 4:30

lan. ²¹Otəplan wir kən motakil wir natimnat rafin, kən otaskəlim tiəkis nat itəm təwir, ²²kən motapəs natimnat rafin itəm tərət.^l

²³Pəs Uhgın pisin əm itəm in Uhgın rəha nəməlinuən, otol itəmat məmə rəhan pisin əm un itəmat. Pəs Uhgın otol məmə narmin rafin rəhatəmat, ne nəmegəhən rafin rəhatəmat, ne nipətətəmat rafin okotətuatip məmə nipəgnəmtin tikə otəkul-pən etəmat nian rəhatat İərəmərə İesu Kristo tatuwa min.^m ²⁴Etəm tətəun-in itəmat, nian rafin tatol rəhan nəghatən, kən in otol natimnat min əh.

²⁵Piak min ne winik min. Otəfak otimat.ⁿ ²⁶Otən təwir kəm itəmat min təhmen məmə itəmat kitəh əm e Kristo. ²⁷E nərgi İərəmərə, iatən əskasik kəm itəmat məmə nakotafin naoa u kəm piak min ne winik min rafin.

²⁸Pəs rəhatat İərəmərə İesu Kristo otawte-in rəhan nəwirən kəm itəmat.